

**PRAVILNIK
O USLOVIMA PRODAJE**

ALMY D.O.O. ZENICA

Zenica, dana 14.11.2024.godine

Na osnovu čl. 95 Zakona o unutrašnjoj trgovini („Sl. Novine FBiH“, broj 87/24), te na osnovu svojih statutarnih ovlaštenja Uprava Privrednog društva "ALMY" d.o.o. Zenica, dana 14.11.2024. godine, donosi sljedeći:

PRAVILNIK

o uslovima prodaje

I. OPŠTE ODREDBE

Član 1.

Ovim Pravilnikom uređuju se uslovi i način prodaje (cijena, način plaćanja i isporuka, bonifikacije i sl.) u Privrednom društvu ALMY d.o.o. Zenica.

Član 2.

Pod potrošačem u smislu Zakona i ovog Pravilnika smatra se fizičko lice koje kupuje robu, poručuje, stiče ili koristi robu ili usluge za svoje potrebe i za potrebe svog domaćinstva ili kome je upućena ponuda za kupovinu roba ili usluga.

Pod Trgovcem u smislu Zakona i ovog Pravilnika je između ostalog smatra se i pravno lice registrovano za obavljanje djelatnosti trgovine i/ili trgovinskih usluga na osnovu rješenja o upisu u Registar poslovnih subjekata u nadležnom općinskom sudu.

II. NAČIN FORMIRANJA I ISTICANJA CIJENA

Član 3.

Cijene će se određivati u skladu i na način utvrđen Pravilnikom o uvjetima i načinu formiranja cijena robe i usluga od dana. godine, od dana 13.11.2024. godine, a u skladu sa Zakonom o kontroli cijena („Sl. novine FBiH“, br. 2/95, 70/08 i 39/24), i Zakonom o unutrašnjoj trgovini („Sl. Novine FBiH“, br. 87/24).

Formiranje cijena roba i usluga vrši se slobodno, prema uvjetima tržišta, osim za robu i usluge za koje je posebnim propisom utvrđen drugačiji način formiranja cijena.

Za formiranje cijena i utvrđivanje uslova prodaje robe i usluga, nadležan je Generalni direktor Društva, koji za isto može ovlastiti i drugo zaposleno lice.

Formiranju cijena roba i usluga neće se vršiti na način da će narušavati propise o konkurenciji, niti će se dogovarati sa drugim fizičkim i pravnim licima, koristiti monopolski položaj, niti na bilo koji drugi način fizička i pravna lica dovoditi u neravnopravan položaj.

Prodajne cijene moraju biti jasno, lako uočljive i na čitljiv način istaknute na polici ili artiklu, neposredno pored, iznad ili ispod robe ili u slučaju daljinske trgovine, pored prikaza ili opisa robe.

Pružalac usluga/trgovac je dužan da na vidnom mjestu, na jasan, lako uočljiv i čitljiv način, istaknuti samo jediničnu cijenu usluge.

Prodajna cijena je konačna u koju su uključeni svi porezi i takse.

Vrsta i način plaćanja u maloprodaji ne smije uticati na krajnju cijenu računa koja se naplaćuje od kupaca.

Odluku o promjeni cijena donosi direktor ili drugo ovlašteno lice

III. POPUST NA CIJENU

Član 4.

Privredno društvo prilikom prodaje proizvoda pod doređenim uslovima može davati potrošačima razne popuste na cijenu, umanjnjem maloprodajne cijene utvrđene kalkulacijom, a prilikom plaćanja robe, i to bez diskriminacije po bilo kom osnovu.

Pritom iznos popusta mora biti jasno iskazan na računu za prodatu robu ili uslugu.

Visina i kriteriji koji trebaju biti ispunjeni za ostvarivanje popusta, utvrđuje Direktor društva ili od strane njega ovlašteno lice.

Vrsta i način plaćanja nikako ne smiju uticati na krajnju cijenu računa koji se naplaćuje od kupca.

V. PRODAJNI PODSTICAJI

Član 5.

Prodajni podsticaji sa sniženom cijenom daju se u slučaju:

- rasprodaje, akcijskih prodaja, sezonskih prodaja, promotivnih prodaja, sajamskih prodaja, prodaja pojedinim grupama potrošača i drugi oblici prodaje sa cijenom nižom od cijene ostvarene u redovnoj prodaji.
- Posebnim pogodnostima tokom prodaje u vezi sa isporukom, montažom, održavanjem ili drugim pogodnostima i to zavisno od prirode proizvoda odnosno robe ili usluga;
- Sa obećanjem nagrade, učešćem u nagradnoj igri, pratećim poklonima, u programima lojalnosti, odnosno u drugim pogodnostima.

U slučaju sprovođenja posebne vrsteprodaje, privredno društvo će utvrditi pravila u pisanoj formi, te ih jasno i čitko istaknuti u poslovnim prostorima, lako dostupnim potrošačima.

VI. POPUSTI

Član 6.

1. ALMYCARD

Svi zainteresirana lica/kupci imaju pravo Društvu "Almy" d.o.o. Zenica ponijeti zahtjev za izdavanje ALMYCARD.

Svi kupci koji posjeduju na svoje ime ALMYCARD moći će kupovinom ostvariti određene popuste, odnosno uštedjeti novac, te isti naknadno iskoristiti na sljedeći način:

a. BENZINSKE PUMPE I MARKETI -Kupovina goriva

-kupac štedi novac na način da kupovinom određene količine goriva ostvaruje popust na svojoj ALMYCARD. Ti popusti se akumuliraju na ALMYCARD, te određeni iznos koji kupac akumulira/uštedi moći će iskoristiti opciju Cashback, odnosno uštedeni novac na ALMYCARD kartici moći će iskoristiti da kupi neki proizvod u sakupljenom iznosu ili da mu se umanj račun za sakuljeni iznos kupovinom na Benzinskim pumpama, marketu Benzinskih pumpi, Prodavnici Autodijelova, Baucentrima, Salonu Ceralmyco.

Akumulacija novca kupovinom na benzinskoj pumpi se računa prema zadanoj skali:

KUPLJENO GORIVO	OSTVARENI POPUST-AKUMULACIJA NA KARTICI
20,00 KM DO 50,00 KM	0,05 KM po 1 litru
50,01 KM DO 100,00 KM	0,07 KM po 1 litru
100,01 KM I VIŠE	0,10 KM po 1 litru

Kupac CASHBACK može iskoristiti u bilo kojem trenutku prilikom kupovine kroz umanje račun.

Ostvarena akumulacija popusta, odnosno sakupljeni iznos na kartici moguće je iskoristiti isključivo na način kupovinom robe u gore naznačenim objektima.

Akumulirani popust/uštedeni iznos na ALMYCARD moguće je iskoristiti najkasnije do 31.01. tekuće godine za prethodnu godinu.

Od 01.02. tekuće godine akumulacija novca se nulira, te se štednja novca/akumulacija počinje računati iz početka.

b. PRODAVNICA AUTODIJELOVA

Svi kupci koji posjeduju na svoje ime ALMYCARD moći će prilikom kupovine proizvoda u Prodavnici Autodijelova ostvariti direktan popust na kasi u iznosu od 10%.

Navedeni popust se ne odnosi na artikle koji su na akciji.

c. BAUCENTRI ZENICA, ZAVIDOVIĆI I NEMILA

Svi kupci koji posjeduju na svoje ime ALMYCARD moći će prilikom kupovine proizvoda u BAUCENTRIMA ZENICA, ZAVIDOVIĆI I NEMILA ostvariti direktan popust na kasi u iznosu od 5%.

Navedeni popust se ne odnosi na artikle koji su na akciji.

d. SALON CERALMYCO ZENICA I ZAVIDOVIĆI

Svi kupci koji posjeduju na svoje ime ALMYCARD moći će prilikom kupovine proizvoda u SALONIMA CERALMYCO ZENICA I ZAVIDOVIĆI ostvariti direktan popust na kasi u iznosu od 10%.

Navedeni popust se ne odnosi na artikle koji su na akciji.

2. UGOVORI SA ORGANIZACIJAMA/UDRUŽENJIMA/SINDIKATIMA

Na zahtjev Organizacija/Udruženja/Sindikata Almy d.o.o. Zenica zaključiti će posebne Ugovore sa istima, a sve u cilju davanja posebnog popusta za kupovinu goriva njihovim članovima. Nakon zaključenja Ugovora, u kojem će biti definisan tačno određeni popust, članovima će se izdati kartica pomoću kojeg će pri kupovini direktno na kasi ostvarivati dogovoreni popust. Visina popusta pri kupovini zavisi od brojnosti članova Organizacije/Udruženja/Sindikata.

VIII. NAČIN PLAĆANJA

Član 7.

Način plaćanja regulisan je Zakonom o finansijskom poslovanju, te se odredbe koje regulišu ovu materiju direktno primjenjuju.

Trgovac je dužan naplatu računa, koji potrošač plaća u gotovini, izvršiti u skladu sa Smjernicama o zaokruživanju iznosa za plaćanje u gotovinskom platnom prometu.

IX. ISPORUKA ROBA

Član 8.

Isporuka roba regulisana je Zakonom o obligacionim odnosima, ostalim zakonskim propisima koji regulišu ovu oblast. Svi zaposlenici dužni su se pridržavati ovih propisa.

X. PRELAZNE I ZAVRŠNE ODREDBE

Član 9.

ZA primjenu ovog Pravilnika odgovoran je svaki rukovodilac sektora koji radi na utvrđivanju cijena. Sve odnose koji nisu regulisani ovim pravilnikom primjenjivat će se odgovarajuće odredbe Zakona o unutrašnjoj trgovini i Zakona o zaštiti potrošača.

Kršenje odredaba ovog Pravilnika predstavlja kršenje i povredu radne dužnosti.

Član 10.

Izmjene i dopune ovog Pravilnika vrše se na način kao i njegovo donošenje.

Ovaj Pravilnik vidno istaknuti na prodajnim mjestima, kako bi isti bio dostupan svim zainteresiranim licima (potrošačima).

Ovaj pravilnik stupa na snagu danom donošenja.

Broj: 2441-24-AB enica 14.11.2024.god

Generalni direktor, Begić Damir



Na osnovu statutarnih ovlaštenja Almy doo Zenica, Uprava Društva dana 10.06.2025. godine, donosi sljedeći:

P R A V I L N I K

o izmjenama i dopunama Pravilnika o uslovima prodaje

Član 1.

U Pravilniku o uslovima prodaje Almy doo Zenica broj: 2441-24-AB od dana 14.11.2024. godine (dalje u tekstu: Pravilnik), mijenja se član 6. Pravilnika tako da isti nakon izmjene glasi:

1. "ALMYCARD

Sva zainteresovana lica/kupci imaju pravo Društvu "Almy" d.o.o. Zenica podnijeti zahtjev za izdavanje ALMYCARD.

Svi kupci koji posjeduju ALMYCARD na svoje ime moći će kupovinom ostvariti sljedeće popuste:

a. BENZISKE PUMPE - Kupovina goriva

Svi kupci koji posjeduju na svoje ime ALMYCARD moći će prilikom kupovine određene količine goriva ostvariti direktan popust od 12 KF po svakom litru goriva. Dodatno, svi kupci koji ostvare ukupnu potrošnju veću od 8.000,00 KM u toku tekuće godine ostvaruju dodatni popust od 3 KF po svakom litru goriva za tu godinu.

Od 01.01. svake godine ukupna potrošnja goriva se nulira, te se potrošnja goriva počinje računati iz početka.

b. ALMY MARKETI

Svi kupci koji posjeduju na svoje ime ALMYCARD moći će prilikom kupovine proizvoda u Almy marketima osvariti direktan popust na kasi u iznosu od 10%

Navedeni popust se ne odnosi na artikle koji su na akciji.

c. PRODAVNICA AUTODIJELOVA

Svi kupci koji posjeduju na svoje ime ALMYCARD moći će prilikom kupovine proizvoda u Prodavnici autodijelova osvariti direktan popust na kasi u iznosu od 10%.

Navedeni popust se ne odnosi na artikle koji su na akciji.

d. BAUCENTAR

Svi kupci koji posjeduju na svoje ime ALMYCARD moći će prilikom kupovine proizvoda u Almy baucentrima u Zenici, Zavidovićima i Nemili osvariti direktan popust na kasi u iznosu od 5%.

Navedeni popust se ne odnosi na artikle koji su na akciji.

e. ALMY REZAONA

Svi korisnici usluga koji posjeduju na svoje ime ALMYCARD moći će prilikom naručivanja usluge u Almy rezaoni osvariti direktan popust na kasi u iznosu od 10%.

f. SALON CERALMYCO

Svi kupci koji posjeduju na svoje ime ALMYCARD moći će prilikom kupovine proizvoda u salonu Ceralmyco osvariti direktan popust na kasi u iznosu od 10%

Navedeni popust se ne odnosi na artikle koji su na akciji.

2. UGOVORI SA ORGANIZACIJAMA/UDRUŽENJIMA/SINDIKATIMA

Na zahtjev organizacija/udruženja/sindikata Almy doo Zenica zaključit će posebne ugovore sa istima, a sve u cilju davanja posebnog popusta za kupovinu goriva njihovim članovima. Nakon

zaključenja ugovora u kojem će biti definisan tačno određeni popust, članovima će se izdati kartica pomoću koje će pri kupovini direktno na kasi ostvarivati dogovoreni popust. Visina popusta pri kupovini zavisi od brojnosti članova organizacije/udruženja/sindikata.”

Član 2.

Do sada ostvaren CASHBACK iznos biće i dalje na raspolaganju kupcima koji posjeduju ALMYCARD na svoje ime i moći će ga iskoristiti do 31.01.2026. godine.

Član 3.

Ova Odluka stupa na snagu dana 15.06.2025. godine

U Zenici, dana 10.06.2025. godine
Broj: 1243-25-AB

GENERALNI DIREKTOR




Damir Begić